

մուտք գտնուող Քիւլլէթ թուրք գիւղէն 5 ժամ արեւմտեան հարաւ, որ միշտ վեր բարձրանալով մեր ուղեւորութիւնը պիտի կատարենք, անջրդի, աւազոտ և խրճաքարերով կազմուած ճանապարհով:

Գիւլլիճէ կը գտնուի Վերին և Ներքին Ղաթրլու, Թաւգքոյ, Արասիօլ, Ալի քօսայ, Փարչինիս, Գանձակ և Ազարակ գիւղօրէից միջավայրը, ուր փոքրիկ ձորակի մի մէջ ի հարաւ տարածուած են աներն Կուլաք ասուած քիչ ճահճային մարգագետնոյն դէպ ի հիւսիս արեւմուտս սպառուած վայրին վերայ:

Գիւղիս նախկին անունը Սօնալու էր, որ գիւղիս ետէն, քիչ բարձր դիրքի վերայ աւերակաց հետքերն կը նշմարուին և որոյ թուրք բնակիչներն դեռ Ալի քօսայ կը գտնուին:

Սօլլա-Ղամէր գիւղէս քիչ արեւմտեան հիւսիս տարածուած է և գիւղիս մասն կարելի է համարել բայց առանձին գիւղ կը համարուի 60 տուն հայ բնակիչ ունի որք ևս լաւ վիճակ ունին:

Այս երկու գիւղօրէիցս քաւշանը բաւական ընդարձակ է, ունին լաւ վարելահողեր, բայց ոչ մարգագետին և արօտավայր զարնան և ամրան միջոցին:

Գիւղէն 1 ժամ յարեւելս ունին ընդարձակ արօտավայրեր ձմրան համար, վասն որոյ գիւղացւոցս ապրուստի մեծ մասն ոչխար սնուցանելով առաջ կգայ: Ունին նաև վարելահողեր, զորս մի զոյգ եղևով կը վարեն և խիստ քարքարոտ է, այնպէս որ մեծ և փոքր քարերն, որ հողի երեսն կան, երեսի տարածութեան $\frac{1}{2}$ ը բռնած են մէկ Ֆնտանոց քարէն մինչև տաս փթանոց քարերը:

Այս քարքարուտ վայրը հունձքը շատ լաւ կա-